

集合! Color旧friend嚟开趴

Color 嘅老友记们,仲记得你嘅第一本《可乐生活》係为咩而买吗?最吸睛嘅Cover Star相信会係大家购买嘅第一动力!Color创刊以嚟,当红歌手艺人、热播剧主角、本地至hit潮人等,都通过Color与各位粉丝互动,明星同粉丝都因此与《可乐生活》结下深厚缘分。今年Color19岁啦!趁住呢个moment,不如约埋呢班“旧friend”开个party啦!

黄芷晴/文 Color团队/图



整装出发,再掀潮流

十年前,9岁嘅Color曾经用一本笔记簿庆祝自己嘅成长,集合9位设计师嘅画笔创作而成,笔记簿就好似一个“艺术品”,相当受欢迎。至今都有粉丝不时喺后台留言话,呢本簿仔陪伴住佢哋成长,希望呢种情怀野可以长做长有。沉淀十年,《可乐生活》不忘初心,喺19岁生日之际又整理过往,重新出发!从构思至制作历时多月,精心打磨、费心设计,最终确稿嘅“19周年纪念笔记簿”,笔记簿主题贯穿《可乐生活》19周年庆祝主题Slogan——“转圈图,玩出新潮流”,寓意时尚潮流就係一个“圈”,兜兜转转会回到原点,重新集合整装再次出发,然后掀起新一轮的潮流!



Color 19周年纪念笔记簿



Color 19周年纪念笔记簿制作中

CoverStar 齐嚟“撑场”

19年嚟,上过Color封面嘅明星艺人人数不胜数,经过Color团队深思熟虑,最终选用嘅CoverStar都来头唔少:醒目又经典的Twins合体必须有,相信音乐有力量嘅SupperMoment唔少得,人见人爱嘅“石敢当”胡鸿钧,捧爆你嘅“初恋”曾比特,仲有“大湾区哥哥”林晓峰,感动中国嘅主持人陈贝儿……个个都同可乐君倾过计、做咗friend。除咗以上观众喜爱度甚高嘅封面人物,笔记簿嘅内页启动“回到过去”模式,精选以往经典到出汁嘅封面明星,让他们一一“现身”;实力演员、迷人靓声、性感女神、炸裂鲜肉……原来他们就是陪伴90后成长嘅熠熠星光!一簿在手,你嘅青春返晒嚟!



▲ 吸睛人气封面插画款式等你来翻牌

限定惊喜快嚟GET

继18岁生日推出“IN态度”百宝袋后,与机器人表情包之外,今年我哋除咗“19周年纪念笔记簿”,Color团队仲为大家准备咗限量版手提袋,啱晒大家日常行街收纳。创新选用镭射果冻材质制作嘅单肩包,唔啱同光线下,环境中,会折射出五光十色,就好似不设限嘅潮流与不断轮回嘅时尚一样,千人千色;就好似《可乐生活》嘅版面内容咁样,万花筒咁多睇睇,你目不暇接!广州人嘅吃喝玩乐指南、潮流风向资讯尽在《可乐生活》,Color与你同成长,我哋19周年纪念笔记簿同限量包包,已经预埋你嘅份,快啲扫描下方二维码,第一时间行动啦!



Color 19周年纪念镭射袋

可乐生活19th 转圈图



唔识睇女仔?出动“花”嘅诱惑实冇错!无论係浪漫嘅玫瑰花,定係大方嘅“随便花”,都可以轻松抓到心仪对象心花怒放。不过唔係每种花,都一定可以得人钟意啫,好似油腔滑调嘅“口花花”,就好容易乞人憎!唔想得罪人,咁就一定要跟“熊君”学下呢啲粤语“花”啦。

陈祉伶/文 图 胡鸿钧、郭玮/模特

熊君 到花花世界一游



花拂 fa1 fid1

“花拂”,有时也被讲成“花花拂”,在词典中的释义为形容人举止轻浮,又或者爱打扮、赶时髦。不过在宜家嘅日常语境中,“花拂”好多数会被当作“花心”去使用,形容人对爱情不专一。而话人花心嗰阵,我哋仲好经常会用到“花心萝卜”、“花心大小”呢两个词,后者嘅谴责意味更强烈,可以指撞场作戏嘅好色之徒。
造句:睇佢嗰样花花拂嘅,为人怕唔係几踏实啱。

花哩花碌 fa1 li1 fa1 lug1

花哩花碌,又可以讲成花哩碌或者花哩胡碌,其实从字面意思不难理解,呢个俚语意思就係形容色彩、图案多样。不过在实际使用中,多数时候表达嘅意思就倾向于形容大花哨,睇到人眼花缭乱,係偏贬义嘅。所以用嘅时候都要考虑到对话语境,小心激怒人啊。
造句:呢个造型咁花哩花碌,你唔好睇住先hold得住!

花臣 fa1 sen4-2

外省朋友仔可能会觉得广东街坊嘅英文成绩一定特别好,皆因连八十岁嘅阿伯都识讲几句“鸡肠”;巴士(bus)、土多(store)……其实係因为在粤语中,有一大波英文演化来嘅音译词。“花臣”就係大家好常用到嘅一个外语谐音词汇,但係英文fashion嘅音译词,包含式样、款式、时髦、招数等意思,用在不同语境中都有唔同意思啫。
造句:鸿钧话斋,影杂志封面就梗係要摆个够花臣嘅姿势啦!

耍花枪 sa2 fa1 ceng1

“耍花枪”呢个词出自粤剧作品《薛丁山征西》,情投意合嘅薛丁山与樊梨花,因为各为其主,在战场上刀枪相向,虽然画面望落好激烈,实际却只注重花式,并非要打个你死我活。所以,“耍花枪”就被引申为夫妇或情侣之间嘅打情骂俏、小打小闹,搞到好似要翻脸咁样,其实只係秀恩爱、撒狗粮。
造句:好心你醒水咯,唔好成日靠住阿爸阿妈,留番啲空间俾佢哋耍下花枪啦。

花生友 fa1 sang1 yeo5

“花生友”就係指爱“剥花生”嘅人,而“剥花生”在粤语中原本係指陪他人拍拖嘅话讲法,正所谓你有你谈情,我有我食花生,后来“剥花生”也用于泛指等睇戏嘅行为。“花生友”相当于宜家经常讲嘅吃瓜群众,钟意围观下八卦事件,以此作为茶余饭后嘅谈资,一般有七大大恶趣味。
造句:呢几日热搜榜嗰瓜一浪接一浪,花生友个个揸住手机睇到停唔到。